



Broj: T18 0 KT 0018798 25
Brčko, 08.12.2025. godine

Optužnica potvrđena dana 10.12.2025. godine

Na osnovu člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

1. **J.O.** rođen 1998. godine u Maoči,
2. **A.H.** rođena 1999. godine u Tuzli,

Što su:

1. Dana 17.08.2025. godine, oko 18.30 časova, u Brčko distriktu BiH, putničkim motornim vozilom marke „Alfa Romeo“ registarskih oznaka ..., došli do maloprodajnog objekta „Fortuna City“ Brčko, koji se nalazi na adresi Petra Kočića br. 4, zatim gurajući bebu u dječijim kolicima ušli u navedeni objekat, odakle su zajedno i po prethodnom dogovoru, u namjeri pribavljanja protivpravne imovinske koristi male vrijednosti, svjesni da oduzimaju tuđu pokretnu stvar, što su i htjeli, iskoristivši nepažnju uposlenih, oduzeli dva parfema marke „Flert“ u vrijednosti od po 6,50 KM, jedan sir težine 1,5 kg, marke „Alpenwiese“ vrijednosti 20,25 KM, jedan sir težine 1 kg, marke „Rolada“, vrijednosti 16,99 KM, ukupne vrijednosti 50,24 KM, na način da su iste stavili u donji dio dječijih kolica, platili artikle koji su se nalazili u potrošačkoj korpi, a predmete koje su stavili u kolica iznijeli iz objekta u dječijim kolicima, ne plativši iste, čime su za sebe pribavili protivpravnu imovinsku korist u iznosu od 46,00 KM, a za isti iznos oštetili maloprodajni objekat „Fortuna City“,
2. Dana 22.08.2025. godine, oko 20.40 časova, u Brčko distriktu BiH, došli do maloprodajnog objekta „Fortuna City“ Brčko, koji se nalazi na adresi Petra Kočića br. 4, zatim gurajući bebu u dječijim kolicima ušli u navedeni objekat, odakle su zajedno i po prethodnom dogovoru, u namjeri pribavljanja protivpravne imovinske koristi male vrijednosti, svjesni da oduzimaju tuđu pokretnu stvar, što su i htjeli, iskoristivši nepažnju uposlenih, oduzeli tri parfema marke „Flert“ u vrijednosti od po 6,50 KM i 3,5 kg junećeg mesa vrijednosti 87,33 KM, ukupne vrijednosti 107,00 KM, na način da su iste stavili u donji dio dječijih kolica, platili artikle koji su se nalazili u potrošačkoj korpi, a predmete koje su stavili u kolica iznijeli iz objekta u dječijim kolicima, ne plativši iste, čime su za sebe pribavili protivpravnu imovinsku korist u iznosu od 106,83 KM, a za isti iznos oštetili maloprodajni objekat „Fortuna City“,

dakle, kao saizvršioци tuđe pokretnine male vrijednosti oduzeli drugome, s ciljem da njihovim prisvajanjem pribave sebi protivpravnu imovinsku korist,

čime su učinili produženo krivično djelo – Krađa – iz člana 280. stav (2) u vezi sa stavom (1) Krivičnog zakona Brčko distrikta BiH, a sve u vezi sa članom 55. i članom 31. istog Zakona.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica****
